

XIV ASRNING 2-YARMI VA XV ASR BOSHLARIGA OID TARIXIY MANBALARDA MOVAROUNNAHR SIYOSIY ELITASI TARKIBINING YORITILISHI.

Odilbek Karimov Raximjonovich

Ichki Ishlar Vazirligi Farg'ona
akademik litseyi tarix fani o'qituvchisi

Annotatsiya: Ushbu maqolada XIV asrning 2-yarmi va XV asr boshlarida Movarounnnahrning siyosiy siyosiy vaziyatga ta'sir ko'rsatgan siyosiy qatlam vakillari, ularning ushbu jarayonlarga munosabatlari hamda ushbu voqealarda ishtirok etgan elita qatlamning kelib chiqishiga qisman e'tibor qaratilgan.

Kalit so'zlar: Qoraunas, barlos, qabila, yasavuriy, amir Qazag'an, amir Husayn, Bayon Sulduz, siyosiy elita, orlot.

Bugungi kunda tarixga doir tadqiqotlar, ilmiy izlanishlarni amalga oshirishda manbalar muhim ahamiyat kasb etadi. Tarix fanida ilmiylikni, holislikni hamda tarixiylikni ta'minlashda, tadqiqotda bayon qilingan fikr va mulohazalarning ishonchiligi, eng avvalo, tarixiy manbalarda keltirilgan ma'lumotlar bilan uzviy bog'liqdir.

O'zbekiston Respublikasi Birinchi Prezidenti I.Karimov ta'kidlaganidek, "o'z tarixini bilgan, undan ruhiy quvvat oladigan xalqni yengib bo'lmas ekan, biz haqqoniy tariximizni tiklashimiz, xalqimizni, millatimizni ana shu tarix bilan qurollantirishimiz zarur. Tarix bilan qurollantirish, yana bir bor qurollantirish zarur"¹. Shuningdek, tarixiy manbalar sohtalikdan qochishda, tarixiy voqelik hamda izchillikni yoritishda asosiy ko'makchi hisoblanadi.

Bugungi kunda Amir Temur va Temuriylar davri haqida tarixiy asarlarni yozish o'sha davrlardayoq keng rivoj topib, keyingi davrlarda ham izchil davom etgan. Tarixiy asarlarda asosan, Amir Temurning markazlashgan davlat barpo etish uchun

¹ Каримов И.А. Тарихий хотирасиз келажак йўқ. – Т.: Шарк, 1998. –Б. 24-25.

olib borgan kurashlari, harbiy yurishlari, davlatchilik siyosati hamda xalqaro diplomatik va savdo aloqalarini mustahkamlash tadbirlari, o'z saltanatida dehqonchilik, hunarmandchilik, madaniy sohalarni rivojlantirish yo'lida amalga oshirgan chora-tadbirlari bayon etilgan.

Amir Temur tarixiga bag'ishlangan ilk tarixiy asar G'iyosiddin Alining "Ro'znomai g'azovoti Hindiston" bo'lib², unda Amir Temurning 1398-1399-yillargi Hindiston yurishi batafsil tasvirlangan. Asarda 1399-yildan to 1403-yilgacha davom etgan Hindiston yurishi tarixi kunma-kun va batafsil yozilgan. Bu asar Amir Temurning shaxsiy ko'rsatmasi bilan 1399-1403-yillarda yozilgan. Ushbu asar unda aniq ma'lumotlar bayon etilganligi uchun qimmatli manba hisoblanadi. Mavzuga ta'luqli jihatlaridan biri Amir Temurning Hindiston yurishlari davrida Jamda daryosi bo'yida joylashgan bir viloyatning hukmdori bo'lgan Shahobiddin Muborakning ammirzoda Pir Muhammad Mo'ltun hududiga yetib borganda amirzodaning oldiga borib itoat etganligini, keyinchalik esa itoatsizlik yo'liga kirganligini so'ng unga qarshi Shayx Nuriddin boshchiligida maxsus qo'shin yuborganigi keltirilgan³. Bu haqda Nizomiddin Shomiy hamda Ali Yazdiylar ham o'z asarlarida bayon qilganlar.

Tadqiqotda foydalanilgan yozma yodgorliklarning eng dastlabkilaridan yana biri hamda Amir Temurning bevosita topshirig'i bilan yozilgan tarixiy asar Nizomiddin Shomiyning "Zafarnoma" asari hisoblanadi. Asar hamda uning muallifi haqida manbashunoslikda talaygina tadqiqotlar amalga oshirilgan. Nizomiddin Shomiy o'z asarini 1402-1403-yillar orasida Amir Temurning topshirig'i bilan yozgan. Asarda Amir Temurning hokimiyat tepasiga kelishidan (1370) to uning G'arbiy Eron, Iroq, Suriya, Kichik Osiyo va Turkistonga qilgan yetti yillik yurishi voqealari bayon qilgan.

² Семенов А.А. Предисловие переводчика. // Гийасаддин Али. Дневник похода Тимура в Индию. // Пер. с перс. предис. и примеч. А.А.Семенова. – М.: Вост, 1958. – С. 5-8. (кейинги ўринларда – Гийасаддин Али. Дневник). Amir Temur jahon tarixida. // mas'ul muharrir X.Karomatov. Mualliflar jamoasi: S.Saiddosimov (rahbar), A.Ahmedov, B.Ahmedov va boshq. Tuzilgan va qayta ishlangan ikkinchi nashri – T.: Shark, 2001. – B. 196. (кейинги ўринларда – Amir Temur jahon tarixida). Ahmedov B. Ўзбекистоннинг атоқли тарихшунос олимлар (био-библиографик маълумотнома). Нашрга тайёрловчилар; Бахтиёр Қосимов, т.ф.н. Музаффар Аҳмедов. Тарихшунослар ва тарих муаллимлари учун қўлланма. – Т.: "Ўзлпон", 2003. – Б. 76. (кейинги ўринларда – Аҳмедов Б. Ўзбекистоннинг атоқли тарихшунос олимлар)

³ Гийасаддин Али. Дневник. – С. 81-82.

Asar ikkita nusxada bizning zamonamizgacha yetib kelgan. Bitta nusxa Turkiyada – “Nuri Usmoniya” kutubxonasida (tartib raqami: 3367), ikkinchisi Angliyada – Britaniya muzeyida (tartib raqami: 23980) saqlanmoqda. “Zafarnoma” sudda tilda, ravon uslubda yozilgan; daliliy ma’lumotlarga boy. Lekin, Temurning hayoti mazkur asarda birmuncha (lekin Sharafuddin Aliyazdiyga nisbatan kamroq) ideallashtirilgan⁴.

Shuningdek, asarda tadqiqot bilan bog’liq, ya’ni Amir Temurni yoshligidan to umrining oxirigacha bo’lgan davrda Movarounnahrda siyosiy vaziyat hamda ushu vaziyatga Amir Temurni ta’siri, mana shu jarayonlarda Amir Temurga yordam bergan, shu bilan birga unga qarshi turgan siyosiy elita vakillari haqida qimmatli ma’lumotlar keltirilgan. Amir Temur yoshlik yillarida Movarounnahrni idora qilgan Donishmandcha⁵ va Tug’luq Temurlarning⁶ qisqacha tarixi, Amir Temur hamda Amir Husayn o’rtasidagi siyosiy vaziyat hamda mana shu siyosiy vaziyatda Movarounnahrda siyosiy elitaning qanday o’zgarib borishi haqida ma’lumotlar mavjud. Xususan, Amir Temur tomonidan 1398-yilgi Hindiston yurishi davrida Batnayr qal’asining egallanishida amirzoda shayx Nuriddinni goblrlar jamoasi o’rtaga olib qo’lga tushirishlariga yaqin qolgan paytda Feruz Seistoniy va uning ba’zi hodimlari dushman ustiga o’q yog’dirib, uni jang ma’rakasidan qutqarib qolganligi Amir Temur buning mukofitiga inom-ehsonlari bilan taqdirlaganligi keltirilgan⁷. Shuningdek, Amir Temurning Dehli voliysi Sulton Mahmud⁸ga qarshi jangida qo’shinining o’ng qo’lida amirzoda Pir Muhammad bahodir, amirzoda Sulaymonshoh

⁴ O’rinboyev A. Nizomiddin Shomiy va uning “Zafarnoma” asari. / Nizomiddin Shomiy Zafarnoma /Fors tilidan o’giruvchi Yu. Hakimjonov, tarjimoni qayta ishlab nashrga tayyorlovchi va mas’ul muharrir – A.O’rinboyev, izohlar va lug’atlarni tuzuvchi – H.Karomatov (jug’rofiy nomlar izohi – O.Bo’riyevniki), Hofizu Abruni “Zafarnoma”ga yozgan “Zayl”i (“Ilova”) ni forsiydan o’giruvchi va izohlarini tuzuvchi – O.Bo’riyev – T.: Fan, 2019. –B. 3-10 (keying o’rinlarda – Shomiy. Zafarnoma). Амир Темур жахон тарихида. –В. 196. Аҳмедов Б. Ўзбекистоннинг атоқли тарихшунос олимлар. –В. 15-16. Аҳмедов Б. Ўзбекистон тарихи манбалари. –Т.: Ўқитувчи. 2001. –Б. 165-167. (кейинг ўринларда - Аҳмедов Б. Ўзбекистон тарихи манбалари).

⁵ Donishmandcha – Chig’atoy ulusida 1346-yilda taxtga o’tirgan, 1348-yilda o’dirilgan. Kengroq ma’lumot uchun qarang: Nizomiddin Shomiy Zafarnoma. – B. 26.

⁶ Tug’luq Temur – 1348-1362-yillarda Mo’g’ulistinda hukmronlik qilgan. 1360-1361-yillar davomida ikki marta movarounnahrda yurish qilib, Qashqadaryogacha bo’lgan yerlarda qisqa muddatli hukmronlik qilgan. 1362-yilda vafot etgan. Kengroq ma’lumot uchun qarang: Nizomiddin Shomiy Zafarnoma. – B. 26.

⁷ Shomiy. Zafarnoma. – B. 236.

⁸ Sulton Mahmud (Sulton Nasiriddin Mahmudshoh II – 1393-1413-yillar) – Tug’luqiylar sulolasi (1320-1414)ga mansub hukmdor.

bahodir va o'zga amirlar turganligi, chap qo'lda amirzoda Sulton Husayn bahodir, amirzoda Xalil Sulton bahodir, Jahonshoh bahodir va boshqa amirlar, mang'loyda amirzoda Rustam bahodir, amir shayx Nuriddin bahodir, amir Shoh Malik, Allohhdod va o'zgalar turganligi qayd etilgan⁹. Ushbu manbaning o'sha davrdagi boshqa manbalardan farqi shundaki, Amir Temurning hokimiyat tepasiga kelguniga qadar bo'lgan davrdan to uning vafotiga qadar bo'lgan davrgacha Movarounnahrning siyosiy elitasi hamda Amir Temurning harbiy yurishlarida qatnashgan amirlar, beklar va boshqa toifa vakillari haqida ko'plab qimmatli ma'lumotlarga ega bo'lish mumkin.

Amir Temurga bag'ishlangan asarlarning eng qimmatlilari, Amir Temurni bevosita ko'rgan va bilgan, u bilan yuzma-yuz muloqotda bo'lgan mualliflarning qalamiga mansub asarlar nihoyatda qimmatli hisonlanadi. Ana shunday asarlardan biri ispan elchisi Rui Gonsales de Klavixoning "Samarqandga – Temur saroyiga sayohat kundaligi (1403-1406)" asaridir¹⁰. Mavzuga ta'luqli jihati Temurbek urug'idan bo'lgan, saltanatga ko'tarilishidan boshlab u bilan birgalikda harakat qilgan, unga yordam bergan eng shonli safdoshlaridan biri bo'lgan chig'atoy (bek) haqida ma'lumot keltirilgan. Temurbek unga o'z singlisini berganligini va uni oily amaldor darajasiga ko'targanligini hamda ko'pchilik ustidan boshliq etib tayinlanganligi bayon qilingan. Keyinchalik mazkur amaldorning Yansa Murassa¹¹ degan o'g'il ko'rganligi, Yansa Murassa podshohning eng yaqin odami, katta yer va ulus mutasaddisi, podshoh qo'shining boshlig'i, ya'ni bosh suvoriy, xullas, shu qadar katta hokimiyatga egaligi, podshohdan boshqa hech kimda bunday hokimiyat yo'qligi yozilgan¹².

⁹ Shomiy. Zafarnoma. – B. 243.

¹⁰ Сафаров М. Сўзбоши. / Гонсалес, Руи де Клавихо. Самарқандга – Амир Темур саройига саёҳат кундалиги (1403-1406). [Техт] Гонсалес, Руи де Клавихо.; / Масъул муҳаррир: Муҳаммад Али; сўзбоши ва изоҳлар муаллифи М.Сафаров. Таржимон О.Тоғаев, - Т.: Ўзбекистон, 2010. – Б. 3-19. (Кейинги ўринларда – Клавихо Амур Темур саройига саёҳат кундалиги).

¹¹ Amir Temurning opa-singillariga Sohibqironning eng yaqin safdoshlaridan ikki kishi – Amir Dovud dulg'at va Amir Muayyad orlotlar uylanishgan. Amir Dovud Amir Temurning opasi Qutlug' Turkan oqaga, Amir Muayyad orlot esa Sohibqironning singlisi Sirinbekaga uylanishgan. Har ikkalasi ham yuksak martabali shaxslardir. Masalan, Amir Dovudbek Samarqand shahri hokimi hamda devon boshlig'i mansablarida bo'lsa, Amir Muayyad orlot – Saltanatda Amir-ul-umaro (bosh vazir) edi. Uning Ali degan farzandi bo'lgan. Klavixo ularning qaysi birini nazarda tutayotganligini aniqlash ancha mushkul. Amir Jahonshoh esa ularning hech biriga emas, balki Amir Joku barlosga farzanddir.

¹² Klavixo Amur Temur saroyiga sayohat kundaligi. – B. 3-19.

Amir Temur va temuriylar davriga oid tarixiy manbalardan yan biri o'sha davr tarixchisi Sharafiddin Ali Yazdiyning "Zafarnoma" asari bo'lib, ko'tarinki uslubda va bahdirlik qissasi tarzida yozilgan. Asar Amir Temur tarixi, uning tavallud topishidan (1336) to Xalil Sulton hukmronligigga chek qo'yilishigacha (1409) bo'lgan davrda Movarounnahr, Eron, Ozorbayjon va boshqa mamlakatlarda kechgan voqealarni o'z ichiga oladi. Ushbu asar hamda uning muallifi haqida ham manbashunoslikda ko'plab izlanishlar olib borilgan¹³. Ushbu asar Amir Temur tarixi yoritilgan eng mukammal asarlardan hisoblanadi.

Asar markazida asosan Amir Temur siyomosi turadi. Shuningdek, asarda Amir Hoji Sayfuddin va Amir husayn siymolari ham yuksak mahorat bilan tasvirlangan. Amir Hoji Sayfuddinining umrining oxirigacha Amir Temurga sodiq qolganligi asarda keltirib o'tilgan.

Asarda Amir Temurning siyosiy faoliyati va shu faoliyat davomida uning atrofida shakllangan amirlar, shuningdek, ushbu faoliyat davomida unga xiyonat qilgan amirlar haqida yetarlicha ma'lumot olish mumkin. Xususan, Alibek Joniqurboniyning Amir Temur va Amir Husaynga qarshi amalga oshirgan qarshi ishlari davrida Muborakshoh Sanjariyning¹⁴ sohibqiron hizmatiga kelganligi ta'kidlangan.

Sharafiddin Ali Yazdiy Nizomiddin Shomiy asarida bayon etilgan voqealarning ba'zilarini yangi tarixiy manbalar asosida yangi fakt va dalillar bilan boyitgan. Xususan, Amir Temurning Hindistondagi Batnayr qal'asini fath etilishida ishtirok etgan Sulaymonshohbek, Sayyid Hoja va Jahon Maliklarni shahzoda Shohruhning beklari sifatida ta'riflaydi. Qala'ni fath etishda Jahon Malikni yaxshi ish qilganligini ketirib o'tgan¹⁵.

¹³ Аҳмад А., Бобобеков Ҳ. Сўзбоши. / Шарафиддин Али Яздий.. Зафарнома. / Сўзбоши, табил, изоҳлар ва кўрсаткичлар муаллифлари Аҳмад А., Бобобеков Ҳ. –Т.: Шарқ, 1997. –Б. 3-8. (Кейинги ўринларда – Яздий. Зафарнома.). Amir Temur jahon tarixida. –В. 197. Аҳмедов Б. Ўзбекистоннинг атоқли тарихшунос олимлар. –В. 66-67. Аҳмедов Б. Ўзбекистон тарихи манбалари. –Б. 174-177.

¹⁴ Muborakshoh Sanjariy – turkmanlarning sanjariy urug'ining begi. Amir sohibqironning egamenligini tan olib, unga bo'ysungan va natijada katta mansablarga erishgan. Kengroq ma'lumot uchun qarang: Yazdiy Zafarnoma. –В. 28.

¹⁵ Яздий. Зафарнома. –В. 201.

Sohibqiron vafotidan so'ng ko'p o'tmay yaratilgan muhim tarixiy asarlardan biri Muiniddin Natanzhiyning "Muntaxab ut-tavorixi Muiniy"¹⁶ asari bo'lib, ushbu asarning aniq nomi ma'lum emas. Ushbu asar ilmiy jamoatchilik orasida "Anonim Iskandar" nomi bilan mashhurdir. Asar qisqa muqaddima va uch qismdan iborat. Asarning uchinchi qismining oxirgi bobi Amir Temur tarixiga bag'ishlangan bo'lib, u asardagi hajm jihatdan eng katta bobdir. Asarda Amir Temur hukmronligining dastlabki yillarida Shiburg'on hokimi Zindachashmning sohibqironga ikkinchi marta yog'iy bo'lgani va Termiz xonzodasi¹⁷ bilan birgalikda Termiz viloyatida bosqin va g'oratgarchiliklar qilganligi ta'kidlangan. Shuningdek, Amir Temurning ikkinchi bor Mo'g'ulistonga yurish qilgan davrida Zartuq manziliga yetganda Amir Muso, Zindachashm, Amir Xizr Yasovuriyning o'g'li, Termiz xonzodasi hamda shayx Abulays Samarqandiylar ittifoq bo'lib, Qarosmon manziliga yetganda Amir sohibqorinni qo'lga olib, fitna buzg'unchilikni boshlab yuborganligi lekin, bu ish amalga oshmaganligi va fitnachilar jazonlanganligi ta'kidlangan¹⁸. Bu haqda Sharafiddin Ali Yazdiyning asarida ham ketirilgan. Odun ko'zi mavzeyiga yetganda Amir Muso va Zinda Chashmlarning ko'ngliga muholifat tushganligi ta'kidlangan. Yazdining asarida Xizr Yasavuriyning o'g'li Is'haq ekanligi keltirilib o'tilgan¹⁹. Shuningdek, Yazdiyning asarida fitna uyushtiriladigan joy Qaro Samon mavzei²⁰ haqida izoh berib ketilgan.

Amir Temurning hayoti va siyosiy faoliyatiga bag'ishlangan yana bir asarlardan biri Fasih Havofiyning "Mujmali fasihiy" asaridir. asar va uning muallifi haqida

¹⁶ Гулом К. Сўз боши. / Муиниддин Натанзий.. Мунтахаб ут-тавориhi Муиний. / Форс тилидан таржима, сўз боши ва изоҳлар муаллифи Гулом Каримий; масъул муҳаррир – А.Ўринбоев. – Т.: Ўзбекистон, 2011. –Б. 6-38. (Кейинги ўринларда – Натанзий. Мунтахаб ут-тавориhi Муиний). Аҳмедов Б. Ўзбекистон тарихи манбалари. –Б. 168-169. "Амир Темур ва Улуғбек замондошлари хотрасида". (Рисола) / Б.Аҳмедов, У.Уватов, Ғ.Каримов ва бошқалар. – Т.: Ўқитувчи, 1996. –Б 135. (Кейинги ўринларда – Амир Темур ва Улуғбек замондошлари хотрасида)

¹⁷ Термиз хонзодаси – Термиз сайидлари хонадонидан бўлиб, мазкур сайидлар ўз вақтида сомонийлар сулоласи ва бошқа ҳукмдорлар билан қуда-анда бўлисхгани усхун "хонзода" (ходовандзода, хонзода) лақабини ҳам олишган. Кенгроқ маълумот учун қаранг; Натанзий. Мунтахаб ут-тавориhi Муиний. –Б. 115.

¹⁸ Натанзий. Мунтахаб ут-тавориhi Муиний. –Б. 118-119.

¹⁹ Яздий. Зафарнома. –Б. 71-72.

²⁰ Қаро Самон – Ўтпор яқинидаги мавзе. Яздий. Зафарнома. –Б. 324.

manbashunoslikda talaygina tadqiqotlar yaratilgan²¹. Asarda Amir Temur avlodiga bag'ishlangan "Foyda" deb atalgan bo'lim ham bor. Xusussan, Amir Temurning 1402-yildagi Yildirim Boyazid bilan janggi Boyazidni esa Sulton Mahmudxon tomonidan qo'lgan olinishi, amirzoda Muhammad Sultonni Sohibqiron buyrug'i bilan Bursaga yuborilganligi ta'kidlangan.²² Bu voqealar haqida Shomiynig asarida to'liqroq ma'lumotga ega bo'lish mumkin. Xususan, asarda Muhammad Sultonning Bursaga yuborilishida amirzoda Abu Bakr bahodir, amir Jahonshoh bahodirlar o'z lashkarlari bilan tobelikda jo'natilganligi keltirilgan. Yazdiy asarida esa Muhammad Sultonga tobe sifatida amirzoda Abu Bakr bahodir, amir Jahonshoh bahodirlar bilan birgalikda Shayx Nuriddin va Sevinchakbek kabi amirlarning ham nomlari keltirib o'tilgan²³. Shuningdek, Havofiyning asarida amirzoda Iskandar va amir Sulaymonshohlarning Ko'niya, Aqshahar, Qora Hisor, Alaniya va Adaliyaga yuborilganligi bayon etilgan. Yazdiyning asrida esa amirzoda Iskandar va amir Sulaymonshohlarning nomlari bilan birga Sulton Husayn, Rustam Tag'ay Bug'o, Sayyid Hoji Shayx Ali Bahodir va Pir Ali Sulduz kabi amirlarning nomlari ham zikr qilingan²⁴.

Amir Temur hayoti va siyosiy faoliyatiga bag'ishlangan tarixiy asarlardan biri Shahobuddin Ahmad ibn Muhammad ibn Abdulloh ibn Ibrohim (Ibn Arabshoh) ning "Ajoyib al-maqdur fi tarixi Taymur" ("Temur tarixida taqdir ajoyibotlari")²⁵ asaridir. Asarning qadimiy nushalaridan biri Damashqdagi (Suriya) Az-Zohiriya kutubxonasida (6893-raqami ostidagi ushbu qo'lyozma 1492-yilda ko'chirilgan) saqlanayotgan qadimiy nusxalaridan biri "Ajoyib al-maqdur fi tarixi Taymur" ("Temur tarixida taqdir ajoyibotlari") nomi bilan keltirilgan. Lekin muallif o'z asarini dastlab "Ajoyib al-maqdur fi navoib Taymur" ("Temur keltirgan musibatlarda taqdir

²¹ Юсупова Д.Ю. Фасих Хавафи и его труд Муджмал-и Фасихи // Фасих Хавафи. Муджмал-и Фасихи / Пред. предис. примич. и указатели Д.Ю.Юсуповой. Т.: Фан. 1980. –С. 5-29. (Кейинги ўринларда – Фасих Хавафи. Муджмал-и Фасихи). Амир Темур ва Улуғбек замондошлари хотрасида. –Б. 194-195. Амир Темур жаҳон тарихида. –Б. 204. Аҳмедов Б. Ўзбекистон тарихи манбалари. –Б. 300-301.

²² Фасих Хавафи. Муджмал-и Фасихи. –С. 121-122.

²³ Shomi. Y. Zafarnoma. – В. 330. Яздий. Зафарнома. –Б. 262.

²⁴ Яздий. Зафарнома. –Б. 262

²⁵ Уватов Й. Сўзбоши. // Ибн Арабшоҳ. Ажойиб ал-мақдур фи тарихи Таймур: Темур тарихида тақдир ажойиботлари. //Сўз боши, араб тилидан таржима ва изоҳларни У.Уватов тайёрлаган. 1-2-китоб. – Т.: Мехнат, 1992. 1-китоб, –Б. 5-63. (Кейинги ўринларда – Ибн Арабшоҳ. Ажойиб ал-мақдур).

ajoyibotlari”) deb nomlagan bo’lsa-da, ushbu asar keyingi barcha nashrlarda, biografik ma’lumotlarni o’z ichiga olgan qomuslarning ko’pchiligida “Ajoyib al-maqdur fi tarixi Taymur” (“Temur tarixida taqdir ajoyibotlari”) nomi bilan zikr qilingan. Asarda boshqa asarlarda uchramagan qimmatli ma’lumotlarni ko’rishimiz mumkin. Xususan, Amir Temurning bolalik yillari, uning Xo’ja Ilg’or qishlog’ida tug’ilganligi zikr qilingan. Shu bilan birga asrda Amir Temurning Amir Husaynga qarshi kurashi davrida, Sulton tomonidan Samarqandga noib qilib qo’yilgan kishi Alisher degan shaxs bo’lganligi, u davlat arkonlaridan biri ekanligi, Amir Temur unga noma yo’llab, Movarounnahrni ikkisi o’rtasida teng taqsimlashni va sulton Husaynga qarshi kurashda o’zi bilan birga bo’lishini xabar qiladi²⁶.

Ibn Arabshoh asarining o’sha davrlarga ta’luqli manbalardan asosiy farqi sifatida e’tirof etishimiz mumkin, xususan, XIV asrning 50-60-yillaridagi Amir Temurning Qarshi hokimi Amir Musoga qarshi yoki Balx hokimi Amir Husanga qarshi kurashlarida uning amir yoki beklari haqida deyarli ma’lumot berilmagan. Shuningdek, ushbu asarda Amir Temurning o’spirinlik davrlaridan boshlab uning xizmatida bo’lgan Abbos, Jahonshoh, Qumori, Sulaymonshoh, Idiku Temur, Joku va Sayfuddin²⁷ kabi amir va beklari haqida qisqa ma’lumot keltirib o’tilgan.

Amir Temur tarixi hamda uning siyosiy faoliyatiga bag’ishlangan asarlardan biri uning nabirasi Mirzo Ulug’bekning bevsita rahbarligida yozilgan “Tarixi arba ulus” asari hisoblanadi²⁸. Asar tarjimasi muqaddima hamda yetti bobdan iboratdir. Asarning eng muhim qismi – uning yettinchi bobidir. Unda Chig’atoy ulusining Chingizxon zamonidan (1227) to Amir Temurning hokimiyat tepasiga kelishi (1370) gacha bo’lgan tarixi hikoya qilinadi. Ushbu asradan XIV asrning 50-60-yillaridagi Movarounnahrdagi siyosiy vaziyat haqida hamda ushbu siyosiy vaziyatda qatnashgan siyosiy elita vakillari haqida qimmatli ma’lumotlarni olishimiz mumkin. Shunday

²⁶ Ибн Арабшоҳ. Ажойиб ал-мақдур. –Б. 5-63.

²⁷ Темур ишларининг аввалидан уни қўллаб-қувватлаб, кейинчалик эса унинг эътиборли амир ва лашкарбошиларидан ҳисобланган ушбу шахслар ҳақида ўша давр тарихчиларидан Низомиддин Шомий, Шарофиддин Али Яздий., Абдураззоқ Самарқандийлар бирталай маълумотлар келтирганлар.

²⁸ Аҳмедов Б. Сўзбоши. / Улуғбек, Мирзо Тўрт улус тарихи. / Б.Аҳмедовнинг кириш сўзи, изоҳлари ва таҳририда. Форс тилидан Б.Аҳмедов ва бошқ. Тарж. / - Т.: Чўлпон, 1993. –Б. 3-14. (Кейинги ўринларда – Улуғбек, Мирзо Тўрт улус тарихи.)

ma'lumotlardan biri, Chig'atoy ulusida Bayonqulixon qatl etilgach, amirzoda Abdulla ibn Amir Qazag'on Temurshoh ibn Esu Temurxon podshohlikka saylanganligi, Amir Bayon Sulduz itoat yo'lidan chiqqanligi Amir Hoji Barlos bilan ittifoqlikda amirzoda Abdulla ibn Amir Qazag'on tarafga yurish boshlaganligi hamda ikki o'rtadagi jangda Amir Bayon Sulduz g'alaba qozonganligini va Movarounnahr diyorida podshohlik taxtiga o'tirganligini ko'rishimiz mumkin²⁹.

Foydalanilgan adabiyotlar:

1. Гийасаддин Али. Дневник похода Тимура в Индию. // Пер. с перс. предис. и примеч. А.А.Семенова. – М.: Вост, 1958. – 206 с.
2. Nizomiddin Shomiy. Zafarnoma /Fors tilidan o'giruvchi Yu. Hakimjonov, tarjimoni qayta ishlab nashrga tayyorlovchi va mas'ul muharrir – A.O'rinboyev, izohlar va lug'atlarni tuzuvchi – H.Karomatov (jug'rofiy nomlar izohi – O.Bo'riyevniki), Hofizu Abruni "Zafarnoma"ga yozgan "Zayl"i ("Ilova") ni forsiydan o'giruvchi va izohlarini tuzuvchi – O.Bo'riyev –T.: Fan, 2019. – 542 б.
3. Гонсалес, Руи де Клавихо. Самаркандга – Амир Темур саройига саёхат кундалиги (1403-1406). [Текст] Гонсалес, Руи де Клавихо.; / Масъул мухаррир: Муҳаммад Али; сўзбоши ва изоҳлар муаллифи М.Сафаров. Таржимон О.Тоғаев, –Т.: Ўзбекистон, 2010. – 264 б.
4. Шарафиддин Али Яздий. Зафарнома. / Сўзбоши, табдил, изоҳлар ва кўрсаткичлар муаллифлари Аҳмад А., Бобобеков Ҳ. –Т.: Шарк, 1997. – 288 б.
5. Муиниддин Натанзий. Мунтахаб ут-тавориhi Муиний. / Форс тилидан таржима, сўз боши ва изоҳлар муаллифи Гулом Каримий; масъул мухаррир – А.Ўринбоев. –Т.: Ўзбекистон, 2011. – 264 б.
6. Фасих Хавафи. Муджмал-и Фасихи / Пред. предис. примич. и указатели Д.Ю.Юсуповой. –Т.: Фан. 1980. – 346 с.
7. Ибн Арабшоҳ. Ажойиб ал-мақдур фи тарихи Таймур: Темур тарихида тақдир ажойиботлари. //Сўз боши, араб тилидан таржима ва изоҳларни У.Уватов тайёрлаган. 1-2-китоб. – Т.: Меҳнат, 1992. 1-китоб, - 328 б.

²⁹ Улуғбек, Мирзо Тўрт улус тарихи. –Б 322-323.

8. Ибн Арабшоҳ. Ажойиб ал-мақдур фи тарихи Таймур: Темур тарихида тақдир ажойиботлари. //Сўз боши, араб тилидан таржима ва изоҳларни У.Уватов тайёрлаган. 1-2-китоб. – Т.: Меҳнат, 1992. 1-китоб, - 192 б.
9. Аҳмад.А “Зафар йўли”: Нашрга тайёрловчи, таржимон, сўзбоши ва изоҳлар муаллифи – А.Аҳмад. Мухаррир – У.Отажон. –Т.: “Нур”, 1992. – 112 б.
10. Улуғбек, Мирзо Тўрт улус тарихи. / Б.Аҳмедовнинг кириш сўзи, изоҳлари ва таҳририда. Форс тилидан Б.Аҳмедов ва бошқ. Тарж. / -Т.: Чўлпон, 1993. – 352 б.